



Notat

Til:

Kopi til:

Saksbehandler: Stab/Lin Tove Thomassen

Vår referanse: 20/532 - 27 / FE-033

Dato: 30.10.2020

Emne: Svar på skriftlege spørsmål til kommunestyremøtet 27. oktober

Spørsmål frå Kjartan Haugsnes, SV:

Dagsenter i Elvavegen.

Kommunestyret vedtok i møte 17.06.20, sak 40/2019 følgjande:

«Kommunestyret godkjenner flytting av dagsenter frå AO senteret KF til bufellesskap for funksjonshemma. Det er ein føresetnad at det vert løyvd investeringsmidlar til ombygging og tilpassing i budsjett 2020 slik det er lagt til grunn i økonomiplanen.

Driftsressursar og budsjettløyving vert flytta frå AO senteret KF til Helse og omsorg frå det tidspunkt når ombygginga er ferdig og flyttinga er gjennomført. Oppdraget til det kommunale føretaket vert justert i samsvar med endringane.»

Råd for menneske med nedsett funksjonsevne hadde slik uttale til saka:

Råd for menneske med nedsett funksjonsevne er positive til at dagsenterplassane vert flytta til lokale i Elvavegen. Det er viktig at det vert eit eige dagsenter og ikkje ein del av drifta av bufellesskapet i Elvavegen.

Uttalen frå Råd for menneske med nedsett funksjonsevne er viktig. Den peikar direkte på det SV meiner er hovudutfordringa i saka – at det vert planlagt for dagsenter der folk bur. No er det omlag halvanna år sidan vedtaket vart gjort og vi har slike spørsmål til administrasjonen:

1. Kor langt er Vaksdal kommune komen i realisering av vedtaket i sak 40/2019?
2. Vil Vaksdal kommune sjå på løysingar som gjer at dagsenteret ikkje vert ein del av drifta i bufellesskapet i Elvavegen slik Råd for menneske med nedsett funksjonsevne har påpeika?

Svar til spørsmål 1:

Det vert planlagt for ferdigstilling av lokalet før jul. Verneombod, tillitsvalt og tilsette i Elvavegen/Dagsenteret har no gått gjennom teikningar for dagsenteret og kome med korrigeringar til Egedomsavdelinga. Endringane vert no vurdert og lister over materiell vil vere klar i løpet av oktober.

Dagsenterdrifta skal etter planen kunne starta opp når ombygginga er ferdig. Innhald, aktivitetar og drift vert planlagt parallelt med byggjeprosessen.

Svar til spørsmål 2:

Helse og omsorg planlegg og legg til rette for at dagsenteret i Elvevegen ikkje skal inngå i den ordinære drifta i bufellesskapet men vera eit tilbod til aktuelle brukarar uavhengig av kvar dei bur. Formelt vert tilbodet skilt frå andre tenester i Elvevegen gjennom at ein må søkja på dagsenterplass og få eige vedtak om slik plass. Dagplassen følgjer ikkje automatisk med ved tildeling av leilegheit i Elvevegen. Det vert eigne tilsette på dagsenteret. For å fremja heiltidskultur og mogleggjera ønskt/vanleg lengd på vakter, vil aktuelle tilsette kunne kombinera stillinga med arbeidsoppgåver/vakter i Elvevegen eller ved andre avdelingar i kommunen slik det vert praktisert på andre kommunale dagsenter.

Dagsenteret har eiga opningstid, noko som også gir eit skilje til ordinær drift i Elvevegen. Som for andre kommunale lokale, vil me ha fokus på samdrift. Lokala kan derfor verta nytta til fellesaktivitetar eller tilstellingar på ettermiddag, kveld og helg når dagsenteret er stengt. Dette vert også praktisert i liknande lokale andre stader i kommunen.

Det vert frå fleire hold kommentert at det vert positivt å få dagsenteret fysisk nærare Elvevegen. I dag er brukarane der avhengige av at personalet frå Elvevegen transporterar dei til og frå dagsenterplass. Etter flytting av dagsenteret kan dei gå sjølve, noko som kan gi auka meistringskjensle.

Skriftleg spørsmål frå Thor Andersen, AP

Oppgåvesamarbeid - Felles kontaktsenter

Svar: Spørsmålet var stilt til kommunestyremøtet 22. september, men kjem opp 27. oktober. I mellomtida har det vore formannskapsmøte der det vart klargjort at saka om å opprette eit felles kontaktsenter der Vaksdal inngår skal opp igjen til politisk handsaming før det vert sett i verk. Sak til politisk handsaming kan ventast til kommunestyret i desember eller januar.

Vil ordføreren i framtiden sørge for at tjenester som blir drevet i egenregi eller nye oppgaver innen Vaksdal kommune blir politisk behandlet før disse blir vurdert privatisert, eller overført til fellessamarbeid med andre kommuner?

Svar: Ordføreren vil sørge for politisk behandling av saker som ikkje er delegert til administrasjonen å ta stilling til.

Skriftleg svar på munnleg spørsmål frå Lisa Johnsen Lunde, stilt i Kommunestyremøte 23.06.2020.

Spørsmålsstillar ønskjer svar på desse spørsmåla etter sommaren:

Bruk av vikarbyrå i laupet av sommaren og pris, bruk av doble rom, samt kor mange pasienter som har vore på Daletunet sidan sist oppdatering.

Svar på spørsmål til kommunestyret i møte 27.10.20:

Bruk av vikarbyrå sommaren 2020.

Sommaren 2020, d.v.s. juni, juli og august månad, har helse og omsorg brukt kr. 2 837 720 på vikarbyrå. Ein reknar at ca 10 % av desse utgiftene er knytt til korona, dvs 283 772 kr. Til vanleg sommandrift utan korona har ein brukt 2 554 000 kr i vikarbyrå sommaren 2020. I 2019 brukte me til samanlikning 2 644 318 kr dei same månadane.

Bruk av doble rom og tal pasientar i 4. et. på Helsehuset.

Bruk av doble rom varierar frå null døgn i månaden opp til heile månaden i dei to første tertiala. Det var lite bruk av dobbeltrom frå april til og med juli månad med null til tre dagar i månaden. I dei andre fire månadane av dei to første tertiala er det brukt dobbeltrom nesten kvart døgn. Bruk av dobbeltrom treng ikkje bety at avdelinga har 21 pasientar, men er også knytt opp til omsyn som må takast til kjønnsfordeling, helsetilstand og for å unngå unødig flytting av pasientar.

Tal pasientar på avdelinga varierar frå 14 til 21 frå januar t.o.m. august månad. Færrest pasientar var det f.o.m. april t.o.m. juli der snittet låg på 16 til litt under 19 pasientar. Dei andre månadane har snittet lege på 19 til 20,77 pasientar.

Med helsing

Lin Tove Thomassen
Politisk sekretariat